



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Edven. Episcopo, Vngiacen. & sanctae Margaritae Abbatibus.

urn:nbn:de:hbz:466:1-20006

nachos albos & nigros & Priorem de Allavilla Canonicum regularem ordinavit in Ecclesia sua Canonicos. Quod factum tanquam ridiculosum sedes apostolica, cum ad ejus venisset notitiam, revocavit. Præterea quendam nepotem suum, qui professus ordinem de Corona, ibi in sacerdotali officio & habitu regulari diu fuerat conversatus, extractum inde canonicavit in Ecclesia Cathedrali. Sed Abbas loci, tanquam discretus & providus, ipsum postmodum revocavit ad claustrum. In solennitatibus expressis à canone in majori Ecclesia non deservit. Confirmat Abbates, & tractat causas difficiles, sine Canonicorum assensu. Presbyteri & Clerici per ejus insufficientiam capiuntur. Bona ecclesiastica occupantur, & homines sibi & antecessoribus ejus debita & exhibita subtrahunt, & præterea jura quæ prædecessores sui in civitate hæcenus habuerunt, ferè permittit penitus deperire. Sententias quoque à sede apostolica confirmatas præsumpsit auct. * apostolica relaxare, & alia multa committere quibus correctionis debite manus celeriter convenit adhiberi. Ideoque fraternitati tuæ per apost. scripta mandamus quatenus vocatis ad præsentiam tuam qui fuerint evocandi, inquiras super præmissis omnibus & aliis quæ proposita fuerint, appellatione remota, diligentius veritatem, & quæ inveneris, fideliter redacta in scriptis nobis sigillo tuo signata mittere non postonas; præfigens partibus terminum competentem, quo cum ipso nostro se debeant præsentare conspectui, sententiam auctore Domino recepturæ; attentius provisurus quod mandatum nostrum taliter executioni demandes, quod tua fraternitas merito possit & debeat commendari. Nullis literis &c. veritate tacita. Datum Romæ apud sanctum Petrum III. Kalend. Iunij.

ABBATI ET CONVENTUI
Cariloci.

Epist. 232.
Cap. Ex parte.
De temp. ordi.

EX parte vestra nostro fuit apostolati referatum quoddam monachus vester se ad nigros monachos transferens, & habitum nigrum ibidem assumens, ad sacerdotij ordinem in ipso habitu est promotus. Vnde quia in hoc articulo dubitatis utrum in assumpto taliter ordine debeat ministrare, nos hujus-

modi dubietatis scrupulum enodantes, per apostol. vobis scripta mandamus quatenus nisi aliud canonicum ei videritis obviare, ipsum monachum officium sacerdotis exequi liberè permittatis. Datum Romæ apud sanctum Petrum.

ABBATI VNGIACEN.

Tunc libentiùs postulata concedimus, quando quod petitur ab equitate non deviat, & petentis personæ gravitas morum & vitæ merita suffragantur. Postulasti siquidem à nobis, dilecte fili, de benignitate tibi sedis apostol. indulgeri, ut in causis Ecclesiæ tibi commissa uti testimonio fratrum tuorum valeas, & eis habeatur fides, sicut consuevit testibus adhiberi. Nos ergo attendentes petitionem tuam institutis canonicis convenire, quæ in causis civilibus illos testes statuunt assumendos qui negotia ecclesiastica tractaverunt, & de quorum fide non potest aliquatenus dubitari, auctoritate tibi præsentium indulgemus, ut quoties Ecclesiæ tuæ videris expedire, in causis quæ non fuerint criminales, fratres & Canonicos Ecclesiæ tuæ inducere possis ut perhibeant testimonium veritati. Datum Romæ &c. Kalend. Iunij.

EDVEN. EPISCOPO,
Vngiacen. & sanctæ Margaritæ
Abbatibus.

ICet bonæ memoriæ Clemens & Celestinus prædecessores nostri de tuæ, frater Episcopo, discretionis honestate confisi, sollicitudini tuæ dederint in mandatis ut tui episcopatus loca religiosa, quæ à sui status integritate collapsa cognosceres, & in quibus religionis observantiam attenderes diminutam, pontificali auctoritate corrigere non differres, ut tamen tuæ maturitatis correctio majorem obtineat firmitatem, auctoritatem nostram super hoc & favorem sollicitè postulasti. Nos igitur considerationem tuam dignis laudibus commendantes, & volentes abbatiam sancti Iohannis Eduensis, quæ in magnam dissolutionem religionis & ordinis collapsa proponitur, per tuæ discretionis industriam correctione debita reformari, discretioni vestræ per apostolica scripta mandamus, quatenus ad locum pariter accedentes, de statu monasterij plenam stu-

Epist. 231.
In causis Ecclesiæ & canonicis, Ecclesiæ membra restantur.

Epist. 234.
De restaurandis canonicis, & reformanda monastica disciplina.

deatis elicere veritatem, & quæcunque in capite vel in membris tam circa spiritualia quàm temporalia de jure statuenda & corrigenda videritis, auctoritate freti apostol. sublato appellationis obstaculo corrigatis, & faciatis quod à vobis statutum fuerit sine refragatione servari. Nullis literis veritati & justitiæ &c. Quòd si omnes &c. tu, frater Episcopo, cum eorum altero &c. Datum &c. Kalend. Junij.

VV. REMEN. ARCHIEPISCOPO,
sanctæ Sabine Cardinali, &
Suffraganeis ejus.

DVra sæpe mandata & institutiones interdum iniquas à sede apostolica emanere multi arguunt & mirantur, & in hoc ei culpam imponunt in quo synceritas ejus, culpa prorsus ignara, per innocentiam excusatur. Nos etenim circa majora negotia frequentius occupati, & curam universorum ex officio nostro gerentes, per quod sumus omnibus debitores, cum omnibus apud nos instantibus in continenti satisfacere non possimus, quidam eò quòd à semita justitiæ oberrantes, aut ultra quàm permittit honestas suæ petitionis licentiam extendentes, exaudiri non possunt, in motum propriæ voluntatis irrumpunt, & ad sua ingenia falsitatis & artes perditionis cum animi exquisita malitia recurrentes, per falsæ astutiam speciei candorem puritatis apostolicæ denigrare ac depravare nituntur. Ex cujus falsitatis ingenio quot & quanta mala proveniant, cum per eam & innocentes quandoque damnentur, & rei ab objectis criminibus absolvantur, necnon & apostolicæ sedis lædatur auctoritas, ipsa rei evidens malitia protestatur. Licet autem hujusmodi falsitas aliquandiu possit cum operibus tenebrarum abscondi, tamen quia per eam beatis Apostolis specialiter infertur injuria, ille, à quo in persona eorum Romana Ecclesia auctoritatem super Ecclesias universas accepit, (unde & Bulla nostra, per quam totius negotia Christianitatis aguntur, capitum ipsorum caractere præsignatur) perniciem tanti sceleris non patitur in tantum præjudicium eorum diutius occultari. Accidit enim nuper in Vrbe quòd quidam hujusmodi falsitatis astutiam perniciosis exercentes, in suis fuere iniquitatibus deprehensi; ita quòd Bullas tam sub

nomine nostro quàm bonæ memoriæ Celestini PP. prædecessoris nostri, quas falsò confinxerant, & quamplures literas Bullis signatas eisdem invenimus apud eos, ipsosque captos adhuc in carcere detinemus. Nos autem honori Romanæ Ecclesiæ & utilitati omnium paterna volentes sollicitudine providere, de communi fratrum nostrorum consilio statuimus, & sub excommunicationis pœna & suspensionis ordinis & beneficij districtius inhibemus, ne quis apud sedem apostolicam de cetero literas nostras nisi à nobis vel de manibus illorum recipiat qui de mandato nostro sunt ad illud officium deputati. Si verò * persona tantæ auctoritatis extiterit, ut deceat eum per nuncium literas nostras recipere, nuncium ipsum ad cancellariam nostram vel ad nos ipsos mittat idoneum, per quem literas apostolicas juxta formam præscriptam recipiat. Si quis autem in hac parte mandati nostri transgressor extiterit, si laicus fuerit, excommunicationi subjaceat, si Clericus, officij & beneficij sui suspensione damnetur. Verùm quia, sicut à falsariis ipsis accepimus, tam ad partes vestras quàm ad ceteras regiones per literas transmissas ab eis suæ iniquitatis falsitas multipliciter est diffusa, fraternitati vestræ per apostolica scripta mandamus, & districtè præcipimus, quatenus provinciale Concilium evocetis, in quo solenniter & generaliter statuatis ut per singulas parochias publicè proponatur quòd si quis à sede apostolica literas impetraverit, quarum tenor possit esse suspectus, & eis uti voluerit, ut statutam pœnam evadat, primò fiat collatio de falsa Bulla cum vera, & si eam invenerit falsitate notandam, Episcopo diocesano, Abbati, vel Archidiacono loci easdem literas nos differat præsentare: qui, veritate comperta, illum qui tales literas reportavit, si laicus fuerit, excommunicationi subjiciat; si Clericus, cum ab officio beneficijque suspendat. Ad hæc, adjicientes statuimus ut generalem excommunicationis sententiam promulgetis, quam per singulas parochias faciatis frequentius innovari, quòd si quis falsas literas se cognoscit habere, infra quindecim dies literas illas aut destruat aut resignet, si pœnam excommunicationis voluerit evadere, quam, nisi forsan in mortis articulo, sine speciali mandato nostro à quocunque

Vide caput Ad falsarios. De falsariis. * in Tertia Collect. tantæ auct. aliquis extit.

Epist. 255.
Ve per quosdam falsarios confictas Bullas interceptant.
Cap. Dura serpe. De falsariis. Vide infra epist. 262.

Epist. 255.
De testibus crebris et abominabilibus officia dicitur.